

Capitula

primo

**I**F Dr almoche as it is notriously knowen. that the kyng to his grete coltis & charges hath sent his Ambassiatours to Charlis his aduersary of fraunce. to haue had accomme nyent peas with hym. and to haue his ryght wythout effusion of cistey blood. whiche was refused. Wherfor the kyng by the grace of god in whose hondes & disposicion resteth all byctone. hath determined hymself to passe ouer the see in to his reame of fraunce and to reduce the possessyon therof by the sayd grace to hym & to his heires kynges of Englonde accordyng to his rightfull tyle. Wherby he trusteth not oonly to bryng this his reame to the auncient fame & honour. but also to enryche & sette in perfyte pe ace & tranquile his subgettes of the same. trustyng that thereby the more parte of all cistey reames shall be in the more perfyte pe ace & tranquile & the better disposyd to serue god. whiche can not be doon by al lyklyhede wythout bataylle as well on the see as in other places beyonde the see. Wherby almyghty god must be Iuge. in whose deffence. mercy & goodnes the kyng putteth his full trust aboue all other thynges. how be it many tymes by thynordynat couetyse of capitaynes receyved wyth pryncis afoe this tyme. grete parte of the nombre of souldours for whom su che capitaynes haue endentid wyth pryncis at tyme of nede haue lacked of their nombre of souldours wherby grete Inuoperdis es haue ensued & Irrecuparable damages there inape ensue yf remedy be not therfore forseen & had. Be it therfore ordeyned by thauctoute of this present parliament that yf ony capytayne be receyved or here after shall be to serue the kyng on the see or beyonde the see in fete of werre. whiche haue not his or their hoole & perfyte nombre of men & souldours accordyng as he shal be receyved wyth the kyng. or yene not theym their full wages wythout abriggement as he shal receyue of the kyng for theym excepte for Jakettis for them that receyue londe wages. that is to saye. vi. s. viij. d. for a poman & xij. s. iij. d. for a gentylman for any hoole yere. he shall for suche defawte forfeyte to the kyng al his goodes & ratalles and theyr bodyes to pylson. And that euery capitayne peticapitayne & all other hauryng vnder theym receyue of ony souldour or souldours at kynges wages shall vpon the payne aforesayd paye to theyr receyue of souldour or souldours & euery of the same the wages ratably as is allowed vnto theym.

bi the kyng our souereyne lord or the Tresour of his werre with  
out lessyng or wythdrawyng of ony parte therof. and for as lon  
ge tyme as they shal receyue wages for them this payment unto  
the sayd reynues & euery souldour of the same of theyr capitay  
nes & peticapitaynes alwayes wythin. vi. dayes next & Immedy  
atly after that the sayd capitayne peticapitayne or other shal ha  
ue receyued theyr wages of the kyng or of the Tresourer of his  
werres or of theyr lordes or maysters. And yf ony souldour be  
yng noo capitayne Immedyately receyued wyth the kyng why  
che here after shal be in wages and receyued or take ony pte to  
serue the kyng vpon the see or vpon the londe beyonde the see de  
parte out of the kynges seruyse wythout lycence of his capitayn  
that suche departyng be taken. demed & aduysyd felony. and  
that he so offendyng suffre for the sayd offence punishment &  
execucion of felony. And for almoche as his offence stretcheth to  
the hurt & Jeopardy of the kyng our souereyne lord. the nobles  
of the reame & of all the comune wele therof. that therfore he or  
they soo offendyng enoy not the benefice of his clerge. ¶ And  
that if he ordeyned by the sayd auctorite. that the Justices of the  
peas of euery shyre of Englonde where ony suche offendours be  
taken haue power to enquire of the sayd offences and the same  
to here & determyne as they do & may do of felounes. trespasses &  
other offences exprestyd in the kynges compassyon to theyr made  
as though the sayd offences were done in the same shire. And al  
so þ the sayd departyng of suche souldours & also their receyno  
urs yf it be trauesid be tyed in the same shire where they be for  
suche cause arrestyd & arraigned. ¶ Prouyded alway that no ca  
pitayne be charged by this acte for lacke of his nombre receyued  
as is aboue sayd whose souldours shal happre to dey or otherwy  
se departe. not in the defawte of the capitayne So that the sayd  
capitayne yf he be at londe wages: shewe the departyng or lack  
kyng of his souldour wythin. x. dayes after the lackyng of the  
sayd souldour vnto the Tresorer of the werres Or yf the capi  
taine be at see wages yf he shewe the departyng or lackyng of  
the sayd souldour so lackyng to the Admirall of the nauy whe  
re he is receyued at next metyng wyth the sayd Admirall.

Capitulo

secundo.

¶ Here by the grace of almyghty god the kyng our souereyn  
lord entenderth in his ryall persone to take his viage ryall  
in to the londe of fraunce ayenst his auntyent enemyes of the sa

me reame accompanied in the same voyage with greet multitude of the moost honourable actyf persones & true subgettes of thys his reame of Englonde/as well for the defence of his moost noble persone as for the defence of themselves & of thynhabitauntis wythin this his sayd reame of Englonde.to the hyghe laude fame & prayse of the kyng our souereyne lord & of all those whyche shall accompany hym in the sayde voyage eyther by see or by lande. ¶ Wherefore the kyng our souereyne lord by thadupce & assent of the lordis spyrituall & temporall & the commons of thys present parliament assembled & by auctorite of the same. enac/teeth ordeyneth & establysheth that euery persone of what condi/cion or degre he be of beyng or here after shall be in our sayd so/uereyne lord the kyngis wages beyonde the see or on the see at his pleasure haue the proteccon of protectur or moratur cum clau/la volum<sup>9</sup>. And that the sayd proteccon be allowed in all the kyn/ges courtes & other courtes where the sayd proteccons shalbe ple/ded or laped for ony of the sayd persones in all plects. plects of do/were in the wyrtte of dower. Unde nichil habet. quare impedit & assise of darreign presentment except ¶ Provided that this acte be not auapllable to ony persone for ony entrie lyth the fyrst day of this present parliament. ¶ Also be it enacted that the Juge/mentes to be geuen from thenforth in suche assise arrapned or to be arrapned shall not be prejudiciall to ony of the persones soo beyng in the scruple of our souereyne lord the kyng as is afore/ sayde whyche haue ony thyng in reuerfion or remayndre in lon/des or tenementes. Wherof suche assise be arraigned yf the name of those persones whyche be in reuerfion or the remayndre of su/che londes & tenementes be not in the sayd assise but that the sa/yd Jugement be apenst them all voyde. ¶ Also be it enacted that yf ony discent of ony londes or tenementes or ony other ryght or Inhereditamentes be to ony persone or persones beyng wythin this reame or elles where. That that discent be not gretter in ef/fecte to the damages or hurte of the sayd persones beyng in the kynges scruple as is afore sayd: thenne yf the sayd persones in the kynges scruple so beyng were within age of. xxi. yeres. ¶ Al/so be it enacted by the same auctorite that euery of the persones passyng in the sayd voyage may by theyr wrytynges vnder theyr seale make theyr attourney to entrie in to all theyr londes & tenes/mentes. rentis & scruples whiche to theym be comen by discent re/uerter or remaynder. ¶ And also to do al maner of suppes aswel suppe scrupce as suppe rpall. & to make feoffementis of londes. &



to make grauntes of rentis. reuitions and scruples. ¶ And also to attourne & all other thynges to do acordynge to the entent & effect of his warraunt for & in his name as plenarily & freely as he hymself sholde do al well where that the sayd warraunt of atourney is made beyonde the see as on this half. ¶ And yf it fortune that in the executiō of any article cōprised in the sayd warraunt ony man wol traucts that the sayd warraunt is not the dede of hym that is named to be the maker of the sayd warraunt: then that yssue shall be tryed where the attourney namyd in the sayd warraunt put the sayd article in executiō. The sayd orde nauce to endure & be auayllable to euery of the sayde persones as longe as he abydeyth so in the kynges wages. ¶ Be it also ordeyned by the same auctorite. that they & theyr feoffes to the vse of euery of theym maye haue and haue licence vnder the kynges grete scale wythout ony fyn or fee by theym to be payed to make feoffementes alienaciō & grauntes of their honours. castellis maners. londes & tenementes. rentes. scruples. annuities & other theyr hereditamentes & possessiōs wyth theyr appertenaunces acordyng to theyr ryght tytle & interesse that they or ony of them haue in the same to luche as shall pleyse them. And the same feoffes to receyue the same honours. castelles & other the premises of what maner estate shall pleyse them acordyng to theyr sayd Interesse to that entent that they therof may make theyr wylls for payment of theyr dettes. rentes & charges and other thynges. And yf it happe ony luche owner to whole vse the sayde feoffement shall be made to dey duryng the sayd vyage & in the sayd scruple beyng wyth the kyng his heire beyng wythyn age: that alle luche feoffes or other luche persones as the same feoffre or owner shall depute & assygne: shall haue the same honours. castelles & other the premises with appertenaunces to the vse & perfourmyng of the wyll of the same persone or owner that so dysseiseth Immedyately from the deyth of the sayd persone or owner so depyng duryng the terme of foure yerres they nexte ensuyng after his deyth. And yf ony luche persone com or retorne wyth the kyng that the same feoffes or luche persones as the same owner shal depute: shall haue the same londes & tenementes towardes perfourmaunce of the same wyll bi thre yerres Immedyately ensuyng after the same retorne. And yf ony luche persone so retournyng lyue thre yerres after ony luche retournyng or after that the sayd foure yerres afore expellyd be expyryed. That frothenforth



the sam person his feffes nor executours. nor the same other per  
 lones shal take no benefyte nor profyte by this act : but that eue  
 ry luche feoffement fro thenforth be no longer in his force. stren  
 gthe nor effecte. ¶ And be it ordeyned by the sayd auctorite that  
 the kynge our souereyne lord haue the marriage of the heyres be  
 yng wythin age of the persones so goring wyth the kynge in his  
 brage yf the same persone so goring holde of the kynge ony lon  
 des by knyghtes scruple tyme of his decease in lyke manere & fo  
 urme as yf this acte had not be made & none other wyle. And  
 ouer that the prouffytes of the sayd londc durynge the none ae  
 ge of ony luche heire after the sayd. iij. or. iij. yeres determinyd  
 & exspressd as is aforesayd. ¶ Also be it enacted by the sayd aucto  
 rite that yf it happen ony of the auncelstres of the sayd persones  
 so beynge in the kynges brages to depe holdynge ony londcs or  
 tenementes or other Inhereditamentes of the kynge in luche wy  
 le as he by the orde of the comen lawe oughte to sewe lyuere for  
 the same out of the kyngis hondis : the sayd person they beynge  
 in the sayd brage and of full aege : to haue lycence of the kynge  
 our souereyne lord to entre by theym or theyr attourney in to the  
 sayd maners. londcs & tenementes and other Inhereditamentis  
 And that entre by force of the sayd lycence be as good & auapl  
 lable to hym & to his heyres as though he had sued lyuere out of  
 the kyngis hondis of the pemysses by cours of the comen lawe  
 ¶ And also be it enacted by the same auctorite that for almoche  
 as sergauntis of armys that ben purpouly ordeyned for the per  
 sonall attendaunce of the person of our souereyne lordc the kyn  
 ge and they to awaite of luche noble persones as shal pleas his  
 hyghnes to assigne theym / Therfor yf ony sergaunt of armys  
 haupng ony fee for the sayd offyce goo not wyth the kyngis gra  
 ce in this brage ouer the see haupng no lyce of the kyngis hygh  
 nes vnder the grete seale to be out of the sayd armys. that he for  
 feyte his fee grauntid to hym for exercysyng of the sayd offyce.  
 ¶ And that it be ordeyned by the same auctorite that yf ony per  
 lone beynge seyled of ony londcs or tenementes in fee Symple  
 holdynge of the kynge in cheyf by knyghtes scruple & make feof  
 fement therof bi the kyngis lycence as is aforesayd : that the sa  
 me feoffement be good to the wylles of luche persone so goringe  
 wyth the kynge be perfourmed : Soo & vnder condycōn that he  
 depe in scrupce of the kynge beynge beyonde the see ¶ Provided  
 alway that the sayd feoffement of londcs in fee Symple be not

preiudiciall to the heyres of suche feoffour for any tyle in tayll or to any other of the kynges subgettes for any other tyle to the same befor the sayd feoffement. ¶ Also be it ordened that yf any persone goyng ouer wpyth the kyng hath couenauntid or shal couenaunt or agree that his sone or doughter shal elpouse or mary sone or doughter of any person that the same couenaunt or agreement stonde good & effectuell ayenst the kyng & his heyres: and the kyng so be excluded of the valu of the maryage therof. or the refor though so be. any of the same sonnes or doughters so to be married or elpoused be within the yeres of consent So that those elpouls be solempnyled in chyrche. chapel or oratori before the kynges departyng. And so the same person so goyng disceas in the kyngs scruple the kyng beyng beyonde the see. /

## Capitula

## tercio.

**P**Rapen the comens in this present parliament assembled That where as wel by the chartre of Magna carta as by other dyuers ordynaunces & statutes made in dyuers parliaments in the tyme of your noble progenytours & predecessours It hath be ordenyd that one mesure & one weyght shold be throughtout al this reame of England / whych weyght & mesure sholde be accordyng to the Standarde of your Eschequer: And that euery man shold bye & selle by the same: & wpyth none other. vppon certeyn paynes & forseyntures lymyted in the sayd statutes & ordynaunces as in theym more playnly it doth appere / Whych statutes & ordynaunces haue not in tyme passid ne yet be put in due executiō Wherefore of your moost blessyd disposiciō entending reformation in the premysles & that indifferent Justice sholde be had & executed amonge all your subgettes wpythin this your sayd reame accordyng to the effect of the sayd statutes & ordynaunces. And considering that in dyuers partes of your sayd reame there be vsid mesures & weygthes some more large than the sayd standarde & some lesse by cause that the very true mesure of the sayd standarde is not to all your true lieges verily knowen at your owne propre cost & charge haue do lette make both weygthes & mesures of brasse accordyng to your very true standarde. ¶ Whych it may plesse your sayd grace by thaduyce & assent of the lordes spirytual & temporall in this present parliament assembled & by auctorite of the same to ordeyne. stablysh & enact that the sayd mesures & weyghtis of brasse be deliuerid to the Cytyzens & Burgeys

les of the cheyf cyttees or shyre townes or boroughs of euery shyre of this reame in this parliament now beyng or to the cheyf officers of euery suche cyttees. shyre townes or boroughs wher suche cytizens & burgeysles lyk by Indenture therof to be made betwene the Tresorer of Englonde or vnder Tresorer for the tyme beyng And the sayd citizens. burgeysles & other cheyf officers aforesaide to the sayd receyving. lawfully to be conueyed to that cyte. towne or borough that they be of all the coste & charge of the sayd cyte. towne. or borough & to be deliuered to the Mayre Shiref Baylif or other the cheif officer of the same. there to rest as your tresore in the custody of the sayd cheyf officer of the sayd cyte. towne or borough for the tyme beyng & of his successors for euer to the extent that as wel al weyghtes & mesures within the sayd cyte. towne or borough as the mesures & weyghtes wythin the sayde shyre may be corrected. reformed. amended. & made according & after the mesure of the sayd standarde before the feast of saynt Michel the Archangel next comyng. And that the sayd cheyf officer for the tyme beyng in euery suche cyte. towne or borough haue for that cause a specciall marke or seale. to do marke euery suche weyght & mesure so made to be reformed & brought vnto hym withoute fraude or delaye. And that he take for his labour for sealyng of euery bushel. i. d. of euery other mesure. ob. of euery. C. weyghte. i. d. of euery. di. C. ob. And of euery weight vnder. q. & not above vpon payn to forfeite for euery tyme that he refuyleth or doth the contrary. xl. s. the one half therof to be to our souereyne lord & thother half to hym that is greiued & wyl sue in that behalf by accion of dette to be recouered after the cours of the comen lawe. And that the defendaunt in any suche accion be not receyued to wage his lawe. & that the Justices of peas in euery shyre of Englonde haue full auctorite & power to enquire. here & determyne the sayd defaults. ¶ And ouer that þ open proclamacion be made in euery shyre of this our sayd reame. that no man bye ne selle after the sayd feast of saynt Michell by any other weyghte or mesure thanne is accordynge to the sayde Standarde vpon suche paynes and forfeitures as is lymyted in the sayde Statutes.

Capitulo

quarto.

**R**apen the comens in this present parliament assembled That wherof long tyme vlyd in any pssue to be tyled



wythin the cyte of London a chalenge comenly callyd Ricus depns le gard hath be admytted for a good chalenge so that none yssue cowde be tyed in noo warde wythout that there were .iiij. suffycient persones of lyuelode to the yerely valu of .xl.s. aboue all charges wythin the same cytee : And dwellynge or haupnge ony lyuelode wythin the same warde. And it is so now the cause god knowyth why that there is no warde or ellys but fewe & in escepcall in plect of londe that ony playntyf or demaundaunt can haue suffycient triall in his mater as euidently is knowen for cause of the chalenge aforesayd for in the moost part of wardes as now there beyn none suffycient. And yf ony be : there are none offycers that dare somonde theym . or ellys yf they beyn somoned. they woll not appere theyr haour is soo grete and theyr amercyamentes so lytyll : ¶ That it pleas your moost habundaunt grace by thadurce of the lordes spyrytuall & temporall & by thautoypte of this present parliament to ordeyne for the comen wele of your true subgettes establishe & enacte. that from henceforth the chalenge comenly called Ricus depns le garde be no chalenge but vterly voyde & of none effect : Sauynge to euery person all manere of other chalenge what soo euer they beyn accordynge to the lawe.

## Capitulo

## quinto

**T**he kyng our souereyne lorde remembreth how alwel his hyghnes as dyuers his pgenitours & pedecessours kyngs of Englonde haue made & grauntid alwel vpon feyned suggesti ons as other wyle to dyuers abbottis. priours. gardeyns keepers. maysters & rulers or souereynes of spūall places & to theyr successours dyuers & many graūtis & lettres patent. & they & theyr successours & theyr ternautes & scruautes Resceantis vpon theyr londs & tenementis And also all londes & tenementes. goodes & catalles of them & of theyr sayd ternautes & scruauntis what so euer resceant vpon theyr sayd londes & tenementis shalbe quyte & dyschargyd of all quinzemes & desmes other quotis. taxes & tallages by the col altee of this his reame in ony wyle grauntyd or to be grauntid by colour of whyche graunt & lettres patentes the grauntes aforesayd now in late dayes haue askyd & yet aske deduccions & allowances att euery quinzime & dysme graunted vnto oure souereyne lorde the kyng of moche gretter and more excessyue sommes of monye thanne hathe beyn allowed

or deducted vnto theym by reason of theyr sayde grauntes tyme passyd / Wherthrough euery quinzime & disme to the kyng before this tyme graunted and here after to be graunted is and of lph / lyhode shall be gretly mynynysshed & lessid. and the poore comen people of this reame somioche the more greuously allestyd & charged to the same quinzims & desmes. Remembreth that the be / ryng & employng therof must as well be to the relef of theym and theyr sayd tenauntes. fermours & seruauntes that haue su / che grauntes & letters patentes as to other of his subgett. Hath therfore by the assent & aduise of the lordes spirytual & tempo / ral and of the comyns in this present parliament assembled and by auctorite of the same parliament ordeyned enacted and esta / blyshyd that the sayde Abbottes. Pryours. Gardeyns. Beperers. Chaplens & rulers or souereynes of spirytual places. nor none of theym none other what soeuer haupng suche letters or grauntes haue from henceforth by reason of the sayd letters patentes & grauntes ony allowaunce. deduccyon or acquiteillis of ony more or greter sommes of moneye at ony suche quinzime & disme grauntid or here after to be grauntyd. excepte oonly of suche and as mo / che sommes of moneye as hath ben deducted & allowed to or for theym or ony of theym by reason or force of the sayd grauntes & letters patentes in tyme of kyng Edward the fourth att suche quinzime & disme to him grauntyd & payed. the sayd grauntes & letters patentes or ony acte. statute or ordynaunce before this tyme in ony wyle made or ordeyned Notwytstandyng ¶ Proui ded alwaye that this acte or ordynaunce extende not: nor in ony wyle be prejudicall or hurte to ony our graunte or grauntes or letters patentes beryng date the. xij. day of Decembre in the fyrst yere of our reygne made vnto the Baylliffis Burgeples / men comynalte & Inhabitauntis of the towne of Salop. callyd other wyle the towne of Shrewesbury but that our sayd graunte and grauntes & letters patentes and euery thyng therein conteyned be and stonde good & effectuell after the tenure and purporte of the same. The sayd acte & ordynaunce or ony thyng therein contey / ned notwytstandyng.

Capitula

septo.

**T**he kyng our souereyne lorde hath had to his grette cost & charge many assemblies & conuynacions wth the kyng of Scottis for amytte. tiewes & peas to be had & obserued betwix his hyghnes & his subgettes on the one parte and the kyng

of Scottis and his subgettis on the other part / But what accord /  
de or aggrement soo euer is taken & concluded : luche accorde &  
aggrement for the parte of the sayd kynge of Scottis it is euer  
vnder theyr surest promysse broken and not kepte. for the why /  
che it is better to be with theym at open weire than vnder luche  
a feyned peas. Wherefore the kynge our souereyne lord by thad  
uple and assent of the lordes spirytual & temporall and the co-  
myns in this present parliament assembled & by auctorite of the  
same enacteth þ al Scottes dwelling wythin this reame of En-  
glonde & Wales not made or here after be made denizen : auoy-  
de out of this reame wythin .xl. dayes after proclamacyon made  
wythin the shyre where they dwelle vpon payne of forfeyture of  
al theyr goodes & catalles and theyr bodyes to prysoun. And ouer  
this that Immedyately after the sayd .xl. dayes serche be made in  
euery cyte. borugh & hundryd of Englonde and Walis for luche  
Scottes by the Constables of the same / and yf any may be fou-  
de that they and euery of them be taken & arrested and theyr go-  
des seald to the kynges vse. and from the sayd cyte. borough or  
hundryd where they be taken to be by the sayd Constables con-  
ueyed the next waye toward Scotlonde vnto the next hundryd  
and there the Constables of the sayde next hundryd to receyue  
theym and soo conueye the sayd Scottes the next waye toward  
Scotlonde vnto the next hundryd. and so from hundryd to hun-  
dryd tyll they beyn brought in to Scotlonde in lyke manere & fo-  
urme as abiured men for felonye ben vled to be conueyed from  
the Sayntuary wherin they abiure vnto the port to theym assig-  
ned. ¶ And fethermore that it be ordeyned by the sayd auctory-  
te that yf defawte be in the Constables of any cyte. borough or  
hundryd in makynge of dewe serche after open proclamacyon ma-  
de in this behalve or in any Constables in dewe conuepaunce of  
the sayd Scottes toward and in to Scotlonde. that they & eu-  
ry of theym beynge in luche defawte forfeyte to the kynge .xx. s.  
Saupnge to the lordes of fraunchis and to euery of theym luche  
ryght & interresse as they haue in any luche goodes & catalles.

## Capitulo

## septimo.


**D**Raryn the comens in this present parliament assembled  
that where of tyme that no mynde is pour naupe hath be  
mayntened passynge the Streghthes of Harrocks and so to dy-  
uers portes in those parties to the vnpuersall Increase of pour  
sayd naupe. marchauntes and Harpnetes / And in especyall by



ladynge of Malmeleys in the port of Landy whiche perteyneth to the lordshipp of Venice Wher now the Veniciens wythyn thys two yere laste paste haue made a statute & ordynauce for the encrease of the sayd lordshipp of Venice & mayntenaunce of themself and theyr Nauye & Harpners. that none of your sayd Nauye nor Harpners sholde lade in the sayde port of Landy ony Malmeleys to be conueyed in this your reame of Englonde with out that your sayd marchauntes pay a newe custome for euery Butte of Malmeley so ladey. iij. Ducatis of golde whiche amounteth to. xviij. s. sterlynge monye ouer & aboue all other customes and charges afore that tyme vsed / whiche is grete hurte to your sayd besechers wythout speccial remedye be had by your noble & specciall grace. Pleyse it therfore your moost habundaunt grace by the aduyce & assent of the lordes spirytual & temporall and of the comens in this youre present parliament assembled & by auctorite of the same to enacte & stablysh That from henceforth the Malmeleys that shalbe brought in to this your reame of Englonde by ony person shall be of full gauge conteynnyng fyre score & fyre galons at the lest in mesure. / And yf it lacke of the sayd gauge. that they the seller tabate so moche of the pryce after the rate tof the sayd content. ¶ And euery marchaunt stranger bryngyng suche Malmeleys in to this reuelshal pay to your grace the customes of. xviij. s. for a Butte of Malmeley ouer and aboue the custome afore tyme to your grace vsyd to be payd lyke wyle as they of Venice haue sett in Landy vppon your forsayd subgettes. ¶ And more ouer that it be enacted & stablyshed by the auctorite aforesayd from henceforth that no Butte or Buttes of Malmeleys in vessel or in vesselles that shall be broughte in to this youre sayde reame shall be solde aboue. iij. li. sterlynge. ¶ Prouyded alwaye that this acte extende not to ony englyshe may borne towhynge the newe custome aboue rehercyd of. xviij. s. And that this present acte endure no lenger thay they of Venice shall set asyde the Impolycion of the payment of the. iij. Ducates aforesayd.

Enprynted at westmestre by  
Wynkyn de worde.

1292



Anno xi.

Henrici. viij.

11. 23. 15<sup>3</sup>.

**S**tatuta bonū publicum concernēcia edita in par  
liamento tento apud westmonesterium xiiii di  
e Octobris Anno regni Illustrissimi Domini  
nostri Regis Henrici septimi

